



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XLI. Dolorum summa. Dolor patientis virginis, superat omnium
ærumnas.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XLI.

*Maria Mater dolorosissima Regina est
Martyrum.*

Ad mentem S. Hieronymi. ferm. de Pass. Dom. Amor Exordium.
 vim habet ac virtutem, animam amantis in amati
 animam transmutandi, sic de David & Jonatha,
 qui se mutuò intimè diligebant, dicit Scriptura:
Anima Jonatha conglutinata est anima David. 1. Reg. 18. cap.
 vehementissimè Filium suum JESUM Maria Mater Dei dile-
 xit, suavissimo ergo amoris tenerrimi effectu & affectu in
 JESUM conversa est Maria, & quidquid ille exterius passus est
 in corpore, Maria interiùs sustinuit in mente, clavi illi acu-
 tissimi, qui manus & pedes transfixère Redemptoris, ani-
 mam quoque transfixère Genitricis, ictus & verbera, quæ
 Christus patientissimè pertulit, in Matris dolorosissimæ ani-
 mam, tristi echo resonabant, ut adimpleretur prophetia Si-
 meonis Lucæ 2. cap. *Tuam ipsius animam doloris gladius per-
 transibit.* si nunc teste S. Anselmo. de Excellent. Virg. cap. 5.
 & S. Laurentio Justiniano. lib. 3. de Laud. Virg. *in mente,
 in corde, in animâ, in parte aliàs insensibili, interiùs pati &
 sentire, majus est martyrium, quàm exterius in corpore, vel
 naturaliter sensibilibus membris pati.* Mariæ martyrium,
 omnibus pœnis ac Martyrum tormentis majus erit, quæ to-
 tum, quod JESUS Rex Martyrum in corpore suo exterius su-
 stinuit, omniq; tormento Martyrum dolorosius est, in
 corde ac animâ, parte aliàs insensibili, interiùs est perpessa,
 Maria ergo dolorosissima, transfixa in animâ doloris inten-
 sissimi gladio, Regina est Martyrum. Gravitatem dolorum
 SS. Patres perpendant. *Alij sancti, etsi passi sunt pro Christo* SS. Patres,
*in carne, tamen in animâ, quia immortalis est, pati non po-
 tuerunt.*

- tuerunt; beata verò Dei Genitrix, quia in eâ parte passa est, qua impassibilis habetur, idè, ut ita fatear, quia spiritaliter & atrocius passa est gladio Passionis Christi, plus quàm Martyr fuit. scribit S. Hieronymus Epist. 10. ad Paulam & Eustoch. de Assumpt. B. V. Verè pertransiuit animam tuam gladius doloris, qui tibi amarior fuit omnibus doloribus, cuiusvis Passionis corporea; quidquid enim crudelitatis inflictum est corporibus Martyrum, leve fuit, aut potius nihil comparatione tua passionis, qua nimirum suâ immensitate transfixit cuncta penetrantia tua, cuius benignissimâ cordis intima. discurret S. Anselmus, de Excellent. B. Virg. cap. 5. Beata Virgo clarissima inter Virgines, candidior inter Martyres, quia etsi illi Martyrio coronati, decalbarunt stolas suas in sanguine agni, nihilominus hac beata & venerabilis Virgo, candidior dignè predicatur, eò quòd, etsi corpora Martyrum pro Domino supplicia pertulerunt, nihilominus hac admirabilis Virgo in animâ passa teste Domino comprobatur. perorat S. Ildephonfus. serm. 2. de Assumpt. B. V. Tuam, ô beata Mater! pertransiuit animam vis doloris, ut plus quàm Martyrem non immeritò predicemus, in quâ nimirum corporea sensum passionis, excefferit compassionis affectus. inquit S. Bernardus. serm. super Sign. Magn. Sciendum itaque, duo esse genera martyrii, unum in manifesto, aliud in occulto, unum patens, aliud latens, unum in carne, aliud in spiritu, ex hoc mentis martyrium, carnis tormenta excedit, hoc itaque patiendi genere gloriosa triumphans, quanto cunctis vicinior, tanto cunctis gloriosior, venerandaq; cruci dominica passionis inhaesit, hausit calicem, bibit sanguinem, & torrente doloris potata, nulli unquam similem potuit perferre dolorem; currit post Jesum, non tantum in odore unguentorum, sed in multitudine dolorum, non solum in gaudio consolationum, verum & in abundantia passionum. ait S. Amadæus. Homil. 5. de Laud. B. V. Ipsa fuit Martyr in animâ, & gladius doloris, qui pertransiuit animam ejus in Unigeniti passione, pro amarissimo ei martyrii computatur, voluit siquidem Filius, ut omni Sanctorum speciositati participaret Mater sua, imò uniuersam sanctorum pul-

chritudinem excederet, quia quidquid in Virgine operabatur, novum erat, placuit Filio, ut gloriosior Martyr existeret, & mirabiliter appareret, ut novo & inaudito genere martyrii decoraretur, & sicut appellatur Virgo Virginum, ita & Martyr Martyrum debet appellari. concludit Richardus à S. Laurentio. lib. 3. de Laud. B. V. invocata Spiritus S. gratia Reginae Martyrum pia contemplatio compassivis Conceptibus devotè correspondeat.

Richardus
à S. Laur.

CONCEPTUS I.

Martyres faciunt dolores, sic Christus est Rex Martyrum, quia incomparabiles passus est dolores. *Videte si est dolor, sicut dolor meus.* Thren. 1. cap. Quò major est dolor, eò gloriosior fit martyr: quantus ergo Mariæ Virginis dolor fuit? Tantus dolor, quantus amor erat, merire amorem Virginis in Filium, si vis de passione & morte Filii, agnoscere Matris dolorem. Mensuram capit S. Antoninus. part. 4. tit. 15. cap. 20. §. 14. *Omnis dolor ex amore creatur; est autem triplex amor, scilicet naturalis, acquisitus, & gratuitus: Naturalis fuit in summo, quia quantò natura nobilior, tantò habet nobiliores actiones & operationes, ipsa autem habuit naturam nobilissimam, unde & amorem naturalem summè: item amor acquisitus fuit in eà in summo, nam omnes causæ accidentales, quæ inducunt matrem ad diligendum filium, fuerunt in eà in summo, nunquam enim filius aliquis tantum dilexit matrem, tantum honoravit, tantum pro eà sustinuit, tantum ei dedit, sicut Christus pro Matre, & sic de aliis causis accidentalibus amoris acquisiti, ergo in eà amor fuit in summo: item amor gratuitus, nunquam enim aliquis, habuit tantam charitatem ad filium, sicut ipsa ad Jesum, ergo & hic in summo; si ergo hi tres habitus amoris, scilicet naturalis, acquisiti, & gratuiti, eliciant unum actum amoris, erit ille in summo, illa ergo erit dilectio intensissima, & dolor ex amore huiusmodi erit intensissimus, sicut enim summè diligit vitam in dilecto, ita & summè dolet de morte dile-*

Confirma-
tio. seu De-
ductio.

dilecti, summum ergo dolorem, habuit in passione Christi. Conformat S. Bernardinus Senensis serm. de Nom. Mariae 2. art. 1. cap. 3. Secundum intentionem amoris, intentio est doloris, proinde Joan. 11. cap. Judaei comprehenderunt erga Lazarum, amorem Christi ex dolore & fletu, unde & dixerunt de illo: Ecce quomodo amabat eum: sed Christus à Matre suâ summè fuit dilectus, igitur subtractio sua, summa fuit ei amaritudo. Accedit authoritas S. Hieronymi. Epist. 10. ad Paulam & Eustoch. de Assumpt. B. V. Plus omnibus dilexit, propterea & plus doluit, in tantum, ut animam ejus totam pertransiret, & possideret vis doloris, ad testimonium eximia dilectionis, nimirum & ejus dilectio, amplius fortis quàm mors fuit, quia mortem Christi suam fecit, qua quia mente passa est, plus quàm Martyr fuit. Amorosissima & dolorosissima Virgo, Regina Martyrum.

CONCEPTUS II.

Quæcunque persona pretiosissimam martyrii aureolam adepta est, jure meritissimo Regina Martyrum dici debet, beatam Virginem in persecutione Filii patientis, & in cruce morientis, pretiosissimam martyrii aureolam, consecutam fuisse dicunt Doctores, Maria ergo jure meritissimo Regina Martyrum dici debet; quâ ratione, vel quonam merito, pretiosiore aliis Martyribus sanctis aureolam sortita est Maria? Condignitatem perpendit, & ponderat S. Antoninus. part. 4. tit. 15. cap. 24. §. 1. Dationi anima debetur aureola martyrii, ergo dationi pretiosissima anima & dilectissima, debetur pretiosissima aureola martyrii, sed pretiosissima Virgo Maria dedit pretiosissimam, & dilectissimam animam, ergo habebit pretiosissimam aureolam; medium probatur, dedit enim dilectissimam animam, id est, vitam Filii, ipsa enim infinitum plus dilexit animam, id est vitam Filii, quam beatus Petrus animam, id est vitam sui ipsius; quod dedit pretiosissimam.

ssimam, patet, quia datio hujus anima, id est, vita Filij fuit pretium totius mundi, & redimibilis creatura, & sic dedit animam in infinitum plus dilectam, ergo & habet preciosissimam aureolam martyrii. adeoque Imperatrix, & Regina Martyrum.

CONCEPTUS III.

Reginam Martyrum dicimus, quæ plus reliquis Martyribus sustinuit, diutiùs illis est passa; quis tantos dolores, tanta tormenta sustinuit, quàm dolorosissima Mater? Quis Martyrum tanto passus est tempore, quàm passa est Maria? multitudinem passionis ejus enarrat Richardus à S. Victore. cap. 26. in Cantica. *Martyrio decorata fuit, ipsius enim animam pertransiit gladius, non materialis, sed doloris, quo martyrio gravius passa fuit, quàm ferro: in Martyribus magnitudo amoris dolorem leniuit passionis, sed beata Virgo, quanto plus amavit, tanto plus doluit, tantoque ipsius martyrium gravius fuit.* Durationem passionis Mariæ repræsentat Rupertus Abbas. lib. 1. Cant. *Nolite solam attendere horam, vel diem illam, in quâ vidit talem dilectum, ab impiis comprehensum, male tractari, scilicet illudi, spinis coronari, flagellari, crucifigi, felle & aceto potari, lanceari, mori, & sepeliri; nam tunc quidem gladius animam ejus pertransiit, sed antequàm pertransiret, longum per eam transitum fecit, Prophetissamamq; erat, & ex quo mater ejus facta est, scivit, eum ista passurum, cum igitur carne suâ taliter progenitum, talem Filium sinu suo foveret, ulnis gestaret, uberibus lactaret, & talem ejus futuram mortem, semper præ oculis haberet, & propheticâ mente prævideret, qualem, quantum, quàm prolixam putatis materni doloris pertulisse passionem? Integerrimos triginta tres ætatis Filii sui annos, in passione continuâ, transegit Mater dolorosissima, Regina Martyrum, plus reliquis Martyribus passa, diutiùs cæteris in passione persistens.*

CONCEPTUS IV.

A mari nomen Maria derivat S. Bernardinus Senensis ferm. 3. de Assumpt. B. V. ut idem sonet Maria, quam mare amarum; cur hoc? quia sicut in mari nec unica est gutta, quæ non sit amara, sic in Maria nihil erat, quod de passione & doloribus Filii non esset amarum, cujus amaritudinem supra omnia Martyrum tormenta humanus explicare non sufficit intellectus. Interpretatur amarum mare Maria, in quo tot fluctus & flumina amarissima intraverunt, propterea ad eam merito dici potest illud Thren. cap. 2. Magna est velut mare contritio tua. Addit B. Albertus Magnus, ferm. 3. de Assumpt. B. V. Omnem enim myrrham, id est, omnes amaritudines passionis, quas Filius Dei bibit, bibit & ipsa, & quodammodo plus ipsa: lancea quippe, qua perforavit latus Salvatoris, dolorem non dedit Filio, sed Matri; quod etiam post mortem seductor appellatus, dolorem Filii non aggravavit, sed Genitricis ipsius. Unde S. Bernardus, de Lamentat. B. V. Nunc solvis Virgo cum usura, quod in partu non habuisti à natura; dolorem, pariendo filium, non sensisti, quem millies replicatum Filio moriente passa fuisti; iuxta crucem stabat emortua Mater, que ipsum ex Spiritu sancto concepit; vox illi non erat, quia dolore attrita jacens palpebat; quasi mortua vivens, vivebat moriens, moriebatur vivens, nec mori poterat, qua vivens mortua erat, in illius animâ dolor sævè sæviebat; non credo, plenè enarrari, vel meditari posse dolorem Virginis, nisi tantum fuisse credamus, quantum dolere potuit de tali Filio talis Mater. Martyrum Regina.

Epilogus.

O si verus in nobis Jesu & Mariæ amor esset, certe illis sapius compati studeremus, paterno igitur consilio S. Petri Damiani ferm. 2. de Nat. B. V. humiliter acquiescimus. *Studeamus & nos, dilectissimi, sæculi hujus blandimenta despiciere, crucem Christi assidue in mente portare, quate-*

nus dum nunc anima nostra, gladio Maria transfigitur, cum ipsa postmodum de aeterna felicitatis dulcedine laetetur. Amen.

*Spectaculo tristi stat Virgo sub cruce Christi,
Inde maternus amor, cor ferit, atque
dolor,
Respice saepe crucem, Jesum tibi sumito dis-
cem,
Sic Matris & nati, discas amore pati.*

